

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَبُو سَيِّدِي تَبَكُّو لَو كِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



HIBAH DAN WASIAT SALING MELENGKAPI: PANDUAN PERANCANGAN HARTA MENURUT ISLAM

Abd Rahman Jamaan

Dalam kehidupan moden yang semakin kompleks, perancangan harta pusaka bukan lagi sesuatu yang boleh dipandang ringan. Ramai dalam kalangan masyarakat Islam masih keliru antara dua instrumen penting dalam pengurusan harta: hibah dan wasiat. Kedua-duanya sering dianggap bertentangan, sedangkan hakikatnya ia saling melengkapi dalam mencapai tujuan utama syariah iaitu keadilan, maslahat dan penjagaan hak waris serta bukan waris.

Hibah merujuk kepada pemberian secara sukarela daripada seseorang kepada orang lain semasa hidup, tanpa balasan. Ia boleh diberikan kepada sesiapa sahaja sama ada ahli keluarga, sahabat, atau badan kebajikan dan tidak tertakluk kepada hukum faraid. Hibah sah dan berkuat kuasa semasa pemberi hibah masih hidup, dan penerima sudah menerima milikan terhadap harta tersebut. Hibah digunakan secara meluas dalam kalangan ibu bapa yang ingin memberikan bahagian tertentu kepada anak-anak mengikut keperluan, seperti kepada anak yang menjaga mereka semasa tua, anak OKU, atau anak yang belum berkahwin. Hibah juga boleh mengelakkan pertelingkahan harta selepas kematian kerana ia tidak menjadi sebahagian daripada harta pusaka.

Berbeza dengan hibah, wasiat ialah pernyataan atau hasrat seseorang tentang bagaimana sebahagian hartanya (tidak melebihi 1/3 daripada keseluruhan harta) diagihkan selepas kematian. Wasiat boleh diberikan kepada bukan waris atau badan kebajikan, namun ia tidak boleh diberi kepada waris melainkan dengan persetujuan semua waris lain selepas kematian si mati, berdasarkan sabda Nabi SAW: *"Tidak dibolehkan wasiat kepada waris kecuali dengan keizinan waris yang lain."* (Riwayat Abu Daud).



Wasiat memainkan peranan penting dalam memberi hak kepada individu tertentu yang tidak mendapat bahagian dalam faraid, contohnya anak angkat, menantu, atau rakan karib. Ia juga boleh digunakan untuk tujuan amal jariah seperti mewakafkan tanah atau memberi sumbangan berterusan kepada institusi Islam.

Hibah dan wasiat tidak seharusnya dilihat sebagai dua instrumen yang saling bersaing. Sebaliknya, apabila digunakan secara bijaksana, kedua-duanya saling melengkapi antara satu sama lain. Hibah menyelesaikan keperluan segera semasa hidup, manakala wasiat merancang kebaikan selepas kematian.

Contohnya, seseorang boleh menghibahkan rumah kepada anak yang menjaga ibu bapanya, dan dalam masa yang sama mewasiatkan 1/3 daripada hartanya kepada badan kebajikan. Ini memberi manfaat berganda; keadilan kepada keluarga, dan pahala berterusan kepada pewasiat.

Dalam kerangka *maqasid* syariah, hibah dan wasiat adalah instrumen penting dalam memastikan pengurusan harta pusaka berjalan dengan adil, efisien dan beretika. Perancang harta yang bijak akan menilai keperluan, situasi keluarga dan maslahat jangka panjang sebelum memilih instrumen yang sesuai. Oleh itu, umat Islam digalakkan mendapatkan nasihat daripada pakar faraid atau perunding harta Islam agar pengurusan harta dilakukan secara teratur, dan tidak menjadi punca sengketa selepas kematian. *“Sesungguhnya orang yang paling bijak ialah yang mengingati mati dan bersedia untuknya.” (Hadis riwayat Ibn Majah).*